

Qvando contradicentia esse putantur, qvæ tamen contradicentia non sunt. Alias appellatur *Fallacia ἐπεργήσησεως, alienæ questionis.*

Ignoratio ergò Elenchi dicitur quasi *ignoratio legum Elenchi* i. e. *Oppositionis*, e. gr. Qvæstio est in Ethicis: *an quis multos beat habere amicos, an paucos?* Statuit Aristoteles, paucos amicos esse habendos. Si qvis contrà sic inferat:

*Proximum debemus diligere:*

*O. homines sunt proximi nostri:*

*E. O. homines debemus diligere.*

Est ignoratio Elenchi, conclusio non rectè opponitur statui controversiæ: aliud enim est diligere aliquem, aliud verò, habere aliquem amicum, cui omnia tua secreta possis & velis tutò committere, qui non homo, sed littus, atq; aér, & solitudo mera, ut Cicero loquitur Epist. 17. lib. 1. ad Atticum. Qvibus verbis denotatur hominis amici taciturnitas & fidele silentium; ita ut in ejus sinum omnia, qvæ te curâ aliquâ adficiant, securè possis effundere, & tam audacter cum illo loqui, quam tecum, ut Seneca verbis